

Baltimore Orioles ta pone Calvin Maduro riba "waivers" pa traha lugar riba nan roster di 40 hungador

BALTIMORE-Orioles a laga e relevista Chris Brock bai hunto cu tres otro hungadornan ayera y alavez a pone Calvin Maduro riba waivers den un esfuerzo pa traha lugar pa e hungadornan cu mester bin bek for di e lista di lesionadonan y asina completa e roster di 40 hungador.

E club tambe a laga e relevista robez, Yorkis Perez, e infielder Luis Lopez y e catcher Raul Casanova bai.

Orioles mester traha lugar riba nan roster di 40 hungador pa hungadornan manera Albert Belle, David Segui y Erik Bedard. Belle, kende su contrato di cinco aña pa un suma di 65 miyon Dollar ta expira proximo temporada, a wordo manteni riba e roster p'asina Orioles por gana riba su poliza di seguro. E no a hunga desde aña 2000.

Calvin Maduro a inicia e temporada como e habridor No. 5, pero e bai di 2-5 cu un ERA di 5.56 y a wordo opera den mitar di Juni debi na un lesion na



su elleboog drechi.

Si ningun otro team "claim" Maduro dentro di 48 ora, Orioles lo por ofrece un contrato pa Minor League, of e porscobe pa bira agente liber. E teamnan no ta permiti pa comenta riba movencionan pa cu waivers.

Orioles a adquiri Brock den luna di December den un cambio cu Philadelphia Phillies pa Josh Wasdin. Brock, 31, a bai di 2-1 cu un ERA di 4.70 den 22 aparicion for di bullpen, pero a gana 1 miyon Dollar y ta eligible pa arbitrage.

"Brock a haci un bon trabao pa nos. Mescos ta e caso di Luis Lopez", vice presidente di baseball operations, Syd Thrift a bisa.

Lopez, kende ta eligible pa agente liber, a bati pa un average di .211 cu dos homerun y nueve RBI den 52 wega despues cu Orioles a cumpra su contrato for di e team di Triple A Rochester dia 12 di Juli ultimo. El a uni na Red Wings despues cu Brewers a lague bai dia 7 di Juni.

Perez, tambe eligible pa bira agente liber, tabatin un wega salba cu un ERA di 3.29 den 23 wega despues cu su contrato a wordo cumpra for di Rochester dia 25 di Juni ultimo. Orioles a firme durante e ultimo siman di Spring Training despues cu el a wordo laga den libertad dor di Arizona Diamondbacks.

Perez, e tercer pitcher robez

di bullpen tras di Buddy Groom y B.J. Ryan, a wordo opera di appendix dia 12 di September ultimo y a perde e resto di e temporada.

Casanova, kende ta eligible pa arbitrage, tabata di 0-1 den dos wega despues di a uni na Orioles dia 11 di September ultimo. Cu su baimento ta laga e club un biaha mas cu dos catcher riba su roster di 40 hungador.